



## Concello de Gondomar

### **BASES E CONVOCATORIA DE SUBVENCÍONS MUNICIPAIS PARA A CONCESIÓN DE AXUDAS E RECOÑECIMENTO OS/AS DEPORTISTAS NO EXERCICIO 2025**

As presentes bases, que rexerán a convocatoria para a concesión de subvencións para a concesión de axudas e recoñecemento destinadas a apoiar os /as deportistas no ano 2025, estarán suxeitas á Lei 38/2003 do 17 de novembro, Xeral de Subvencións (en adiante LXS), do Real decreto 887/06, de 21/07, polo que se aproba o Regulamento xeral de subvencións en desenvolvemento da lei anterior, Lei 9/2007, de 13 de xuño, de Subvencións de Galicia, Decreto 11/2009, de 8 de xaneiro, Ordenanza Xeral de Subvencións do Concello de Gondomar, aprobada polo Pleno da Corporación o 17 de setembro do 2.004 (B.O.P. nº 195 do 7-10-2004), (en adiante OXS), e demais normativa aplicable.

O Concello de Gondomar pretende reforzar o seu compromiso cos/as e deportistas do noso Concello creando unha liña de axudas destinadas a apoiar de forma económica os gastos ocasionados polos adestramentos, competicións, continuas viaxes, compra de material, fisioterapia, equipamento, taxas, inscricións e demais gastos necesarios para a realización da actividade.

#### **I. OBXECTO DA CONVOCATORIA**

A presente convocatoria ten por obxecto regularo procedemento de concesión de subvencións en réxime de libre concorrência para apoiar aos e as deportistas que teñan participado en campionatos estatais, campionato europeo, na copa-campionato do mundo ou Olimpíadas

A subvención concedida destinarase en exclusiva a cubrir os gastos directamente relacionados con actividades deportivas, segundo o sinalado na presente Base.

#### **II. CONSIGNACIÓN ORZAMENTARIA E CONTÍA DA SUBVENCIÓN.**

O crédito orzamentario que financia esta convocatoria será o consignado na partida 340.48000 do Orzamento en vigor, ata un importe total de 6.000,00 €.

O importe das subvencións outorgadas non poderá ser de tal contía que, illada ou en conxunto con subvencións ou axudas de outras Administracións Públicas ou de outros Entes Públicos ou privados, supere o custo total da actividade a desenvolver pola entidade beneficiaria.

**Concello de Gondomar**

Praza Doctor Latino Salgueiro, 1, Gondomar. 36380 (Pontevedra). Tfno. 986360125. Fax: 986360875





## Concello de Gondomar

---

En ningún caso o custo dos bens ou actividades subvencionados, poderá ser superior ó valor de mercado.

### **III. BENEFICIARIOS**

As persoas solicitantes deberán cumprir os seguintes requisitos:

- Estar empadroadas no Concello de Gondomar polo menos desde o 1 de xaneiro de 2025.
- Estar recoñecidas coa condición de alto nivel pola Comunidade Autónoma de Galicia (DGAN) *“Resolución do 15 de marzo pola que se publica a relación vixente de persoas deportistas de alto nivel, alto nivel vitalicio, alto rendemento, rendemento deportivo de base, xuíces, árbitros e técnicos”*
- Estar recoñecidas coa condición de deportistas de alto rendemento (DAR) ou deportista de alto nivel (DAN) segundo o establecido no artigo 2.3 do RD 971/2007 do 13 de xullo, Consello Superior de deportes.
- Estar en posesión dunha licenza deportiva vixente expedida por unha federación deportiva.

### **IV. GASTOS SUBVENCIONABLES**

Considéranse gastos subvencionables aqueles que, sen lugar a dúbida, respondan á natureza da actividade subvencionada, e se realicen durante o período comprendido entre o 01/11/2024 e o 31/10/2025.

### **V. SOLICITUDES**

As solicitudes de subvención formularanse no modelo que figura como Anexo I a estas Bases, irán dirixidas ó Alcalde-Presidente, e serán presentadas durante o prazo de DEZ DÍAS NATURAIS a contar dende o día seguinte á publicación do extracto da convocatoria no BOPP, no Rexistro Xeral do concello, por correo certificado ou a través do rexistro electrónico co DNI electrónico ou certificado dixital así como a través de calquera dos medios recollidos no artigo 16 da Lei 39/2015, do 01 de outubro, do procedemento administrativo común.

Un ou unha mesma deportista non poderá presentar máis dunha solicitude.

---

## Concello de Gondomar

Praza Doctor Latino Salgueiro, 1, Gondomar. 36380 (Pontevedra). Tfno. 986360125. Fax: 986360875





## Concello de Gondomar

A solicitude irá acompañada da seguinte documentación:

- o Fotocopia do DNI da persoa solicitante.
- o Volante de empadramento da persoa solicitante.
- o Certificación de datos bancarios da persoa ou entidade solicitante (**orixinal** expedido pola Entidade).
- o Declaración responsable ós efectos de acreditar estar ao corrente no pago das súas obrigas tributarias e de Seguridade Social, segundo modelo que figura no Anexo IV, comprometéndose a acreditar documentalmente este feito antes da resolución da presente subvención.
- o Declaración de non estar incurso en ningunha das circunstancias a que se refire o art 13.2 da Lei Xeral de Subvencións e que imposibilita obter a condición de beneficiario de subvencións, segundo modelo que figura no Anexo V
- o Memoria da actividade deportiva da tempada 2024-2025, e xustificación da clasificación nos campionatos nos que tivo participado e clasificado.

### **VI. PROCEDEMENTO DE CONCESIÓN**

#### A) Comisión de Valoración

Unha vez rematado o prazo de presentación de solicitudes, constituirase a Comisión de Valoración, que estará integrada polos seguintes membros:

- O Alcalde, que actuará como Presidente.
- A Concelleira de Deportes.
- Xosé Antón Fernández González, responsable de deporte.
- Persoal do departamento de Intervención, que actuará como Secretario/a.

Todos e cada un dos membros desta Comisión, poderán ser substituídos polas persoas nas que delegue cada un deles.

A Comisión examinará cada unha das solicitudes presentadas, e aplicará os criterios de valoración aprobados nas presentes bases, a fin de formular a correspondente proposta.

A contía da subvención será a seguinte.

|                   |         |  |
|-------------------|---------|--|
| Deporte en equipo | Deporte |  |
|-------------------|---------|--|

## Concello de Gondomar

Praza Doctor Latino Salgueiro, 1, Gondomar. 36380 (Pontevedra). Tfno. 986360125. Fax: 986360875





## Concello de Gondomar

|                | individual     |                                                          |
|----------------|----------------|----------------------------------------------------------|
| Importe        | Importe        | Resultado                                                |
| 1.000,00 euros | 1.800,00 euros | Participar na Copa-Campionato do Mundo e Xogos Olímpicos |
| 800,00 euros   | 1.200,00 euros | Participar na Copa-Campionato de Europa                  |
| 400,00 euros   | 600,00 euros   | 1º, 2º e 3º Posto Campionato de España                   |

Só se concederá unha axuda por deportista e só se terá en conta o mellor resultado na tempada 2024-2025.

No caso de que o crédito dispoñible fora insuficiente para poder outorgar o importe íntegro das axudas procederase a dividir de forma proporcional ente todos os importes ata cubrir o crédito dispoñible.

O prazo máximo para resolver e notificar as solicitudes de subvención será de un mes contado a partir do día no que remate o prazo establecido nesta convocatoria para presentalas, e o silencio da Administración terá carácter desestimatorio.

### **VII. XUSTIFICACIÓN E PAGO DA SUBVENCIÓN**

Unha vez notificadas as axudas concedidas, estas aboaránselles ás e aos deportistas.

O pagamento efectuarase mediante unha transferencia bancaria á conta sinalada na solicitude.

Para cobrar a subvención as e os deportistas deberán estar ao día das súas obrigas tributarias coa AEAT, coa ATRIGA, coa Seguridade Social e coa Deputación.

No momento da concesión das axudas ás e aos deportistas deberanse ter en conta as retencións do IRPF, se as houbese.

### **VIII. PUBLICIDADE DA CONVOCATORIA**

A convocatoria e as presentes Bases publicaranse nos Taboleiros de Edictos do Concello, no Taboleiro de Anuncios da Sede Electrónica e un extracto da convocatoria no BOPP.

**A información, descarga de instancias e tramitación electrónica da presente convocatoria está dispoñible na páxina oficial da**

**Concello de Gondomar**

Praza Doctor Latino Salgueiro, 1, Gondomar. 36380 (Pontevedra). Tfno. 986360125. Fax: 986360875





## Concello de Gondomar

---

**Sede Electrónica do Concello de Gondomar**  
(<https://concellodegondomar.sedelectronica.gal/info.0>)

---

### Concello de Gondomar

Praza Doctor Latino Salgueiro, 1, Gondomar. 36380 (Pontevedra). Tfno. 986360125. Fax: 986360875

